

Ленинэнь Киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

ИЮЛЕНЬ

9 чи,

1937 ие

№ 77 (751)

ЛКСИ

7-це ие
чинь ютазь

ПРОМКСОСЬ ЮТАСЬ АКТИВНАСТО

Комсомолонь комитетэнь секретаресь Алямкин ялгась отчетной докладонть теизе „вообще“ кортазь. Сон валгак эзь ефта комсомолецтнэнь праваст нельгемадо, седе, што вейке иес ды кото ковс комитетэсь эсинзэ комсомолецтнэнь икеле вестьяк эзь тейне отчет, эзь топавтне промкстнэсь примазь решениятнэнь, эзь проверякшно сынт топавтоманть. Колсевкинэсь ВЛКСМ-нь уставось. Овси ланга-прява проверякшнось комсомолс совиятнэнь. Истя комсомолс ульнесь примазь Шаронова прок робочеень тейтерь, мейле жо таргазь лангс, што сон кулаконь, лишенецэнь тейтерь. ВКП(б)-нь историянь основной моментнэнь тонавтнемань кружокось 10 ковс ютавтсь ансяк 6 занятия.

Судакова ялгась прениясо кортамсто тешкстась, што критикась ды самокритикась сынт организацизэнь ашти аволь почетсо. Башка комсомолецтнэ жо сонзэ ловить прок травлякс.

Тимофеев, Кубанцев ды лият

комсомолецтнэ критиковасть комитетэнь секретарень Алямкинэнь роботанзо.

Федькин, Кулагин ды лиятне кеместэ критиковасть ВЛКСМ-нь горкомонть ды обкомонть политонавтнеманть ладямосо беряньстэ лездамонть кис ды студенттнэнь ютксо беряньстэ роботамонть кис. Обкомонь ды горкомонь роботниктнэ Калядин, Локтаев ды лия ялгатне сынест яксест пек чуросто ды ансяк 5 минутань шкас. Сынь овси эзь кортнекшне студенттнэнь марто.

Отчетной докладонть коряс прениясо кортнест 82 комсомолецтнэнь эйстэ 21 ломанть. Комитетэнь роботазо ловозь удовлетворительнойкс. Промксось мольс июнень 28 це чистэ июнень 30-це чис. Сон ютазь активнойстэ.

Закрытой (тайной) голосованьянь коряс кочказь од комитет 7 комсомолецтэ.

И. Дьяков.

(Саранск, фельдшерско-акушерская школа.)

Косо ульнест комсомолецтнэ

Пермизь велень Калинин лемсэ колхозсо ды лия колхозонь комсомольской организациятнэсь июнень 25-це чистэ ютавтсь отчетной кочкамонь промкст. Комсоргокс кочказь ульнест: Ильяев—Калинин лемсэ колхозсо, Нечаскин—„Парижской Коммуна“ колхозсо, Юртайкин — „16-й партс'езд“ колхозсо.

Неть промкстнэсь ульнест весе комсомолецтнэ, но яла теке нолдасть покш ильведькс. Вана примеркс Юртайкиндэ, „16-й партс'езд“

колхозонь комсомолонь организациясто. Икеле сон ульнесь комсорг. Кода тейсь отчет, роботанзо ловизь аволь удовлетворительнойкс. Те эшо аламо. Юртайкин урьвакстсь ды якась венчамо 20 вальгейпе эсь веледест церькував.

Теде вейкеяк комсомолец мезтькак эзь кортак ды таго кочкизь комсоргокс. Березникень ВЛКСМ-нь райкомонтень эряви варштамс тень лангс.

Селькор.

Березникень район.

Комитетэнь роботазо ловозь лавшокс.

Июлень 2-це чистэ Дубенкань районсо „Большевик“ колхозонь комсомольской организациясонть ульнесь комсомолонь отчетно-кочкамонь промкс. Промксонтень анокстамось ды сонсь промксось пек парсте невтизь комитетэнь ды сонзэ секретарень Косолаповонь лавшо руководстваст.

Промксось эряволь ушодомс обедтэ мейле 3 чассто, но панжовсь чокшне 7 чассто. Кочкамонтень коряс ВЛКСМ-нь ЦК-нть инструкциянзо 11 комсомолецтнэнь эйстэ ловнызь ансяк 2 ломанть. Остаткатне инструкцияньт эзизь ловно ды сонзэ а содасызьяк. Инструкцияньт эзизе ловно мик сонсь комитетэнь секретаресь.

Отчетной докладстонть ды прениятнестэ пек парсте неяви, што комсомолецтнэ эсь лангсост а роботыть. Газетат ды художественной литература а ловныть малав весе комсомолецтнэ. Союзной читне свад сезневсть. Комсомолецтнэнь порученият эзь макстне, бути жо ульнестьяк максозь кой-кинень, — сынт тевс ютавтомаст кияк эзинзе проверякшно. Организациясонть лоткась весе роботась комсомолонь райкомонть судонзо ало.

Шумбрат ды веселат, колхозной комсомолецтнэ. Вана Азиков Иван — учетчик, Милавкина Ольга — рядовой колхозница, Батяйкин Тюма, Кузнецов, Куприянов — трактористт. Сынт ютксо улить стахановецт, но сынь стувтозь. А комсомолонь райкомось, а организациянь комитетэсь — кияк а соды кода сынь роботыть, кода касыть технически ды политически. Те колхозсонть ВКП(б)-нь первичной организацияськак кодамояк робота эзь ветя колхозной комсомолецтнэнь ды од ломантнэнь ютксо.

Промксось ловизе первичной организациянь комитетэнь роботаст лавшокс.

Закрытой (тайной) голосованьянь коряс кочказь од комитет, козонь кочказь Азиков И. П., Милавкина О. С., Шлэнкин Г. Н. ялгатне. Комсомолонь райконференцияв делегатокс кочказь Азиков, Милавкина ды Малкин И. Л. ялгатне.

Малкин.



Аволь умок Советской Союзонь Героесь М. В. Водопьянов ялгась ульнесь Московонь Государственной Реалистической театрасо. Тосо сон ванызе эсинзэ „Мечта“ пьесанть путоманзо.

СНИМКАСОНТЬ: Советской Союзонь Героесь М. В. Водопьянов ялгась ды артистэсь А. А. Абрикосов („Мечта“ пьесасонть налкси летчикенть Бесфамильноень роленть).

Фотось Рабисевичень (Союзфото).

МОСКВА—ВОЛГА КАНАЛОНЬ СТРОИТЕЛЬСТВАНТЬ ПРЯДОМАДО

ССР-нь Союзонь Народной Комиссартнэнь Советэньтэ ды ВКП(б)-нь Центральнй Комитетэньтэ пуювксост

Москва—Волга каналонь строительствань Начальникенть М. Д. Берман ялганть ды Москва—Волга каналонь примамонь коряс Правительственной Комиссиянь Председателенть С. З. Гинзбург ялганть докладост кунсолось, ССР-нь Союзонь Народной Комиссартнэнь Советэсь ды ВКП(б)-нь Центральной Комитетэсь пують:

1. Шнамс Москва—Волга каналонть коряс Правительственной Комиссиянь докладонзо ды ловомс каналонь строительстванть прядозекс, каналось эксплуатациянть анококс.

2. Панжомс Москва—Волга каналонть 1937 иень июлень 15-це чистэ сазь пассажирской ды грузовой движениянть.

3. Яволявтомс Внутренней тевень ветиця Народной Комиссариатонтень ды Москва—Волга каналонь строительстванть весе коллективентень правительственной заданиянть образцовоьстэ топавтомань кисэ благодарнось.

4. Меремс Внутренней тевень ветиця Народной Комиссарионтень Ежов ялганть максомс Москва—Волга каналонь строительстванть каземадост эсинзэ соображениянть.

ССР-нь Союзонь Народной Комиссартнэнь Советэнь Председателесь В. МОЛОТОВ.

1937 ие июлень 4-це чи.

ВКП(б)-нь Центральной Комитетэнь Секретаресь И. СТАЛИН.

РОБОЧЕ-КРЕСТЬЯНСКОЙ ЯКСТЕРЕ АРМИЯНЬ КОМАНДИРТНЭНЭНЬ СОВЕТСКОЙ СОЮЗОНЬ ГЕРОЕНЬ ЗВАНИЯНТЬ МАКСОМАДО

СССР-нь Центральной Исполнительной Комитетэньтэ пуювксозо

СССР-нь Центральной Исполнительной Комитетэсь пують:

Советской Союзонть оборонной виензэ кемекстамонть коряс правительствань специальной заданиянть образцовоьстэ топавтомаст ды те тевсэнь героизманть кисэ максомс Советской Союзонь Героень званиянть Ленинэнь Орденэнь максома марто:

1. Комбригентень Пумпур Петр Ивановичэнь.

2. Капитанонтень Колесников Константин Ильичэнь.

3. Ст. лейтенантонть Денисов Сергей Прокофьевичэнь.

4. Лейтенантонть Хованский Иван Андреевичэнь.

5. Младшей командирэнтень Новиков Василий Михайловичэнь.

6. Младшей командирэнтень Билибин Кузьма Яковлевичэнь.

СССР-нь Центральной Исполнительной Комитетэнь председателесь М. КАЛИНИН.

СССР-нь Центральной Исполнительной Комитетэнь Секретареньтэ кис СССР-нь ЦИК-нь президиумонь членэсь Н. ФИЛАТОВ.

Москов, Кремль. 1937 ие июлень 4-це чи.

Комсомолсто каямо до тевтнень ванномань ды ВЛКСМ-нь члентнень ды кандидаттнень лангс союзной взысканиянь макснемань порядкадонть

ВЛКСМ-нь ЦК-нть путовксозо

ВЛКСМ-нь ЦК-сь тешксты, што ламо обкомтнэс, крайкомтнэс ды комсомолонь нацреспубликань ЦК-тнэс комсомолсто каямонть ды примамонть коряс комиссиятнень роботаст организоваз аволь видестэ.

Сынст р бота онть главной асатыксэкс аптить:

а) Комсомолсто каязтнень ендо решениятнень обжалованиянь весе порядкатнень аразь-чись.

Сексак комсомолсто ламо каязтне сень таркас, штобу добовамс эсинэзэ вопросонть педе-пес решамо комсомолонь райкомсо эли горкомсо, сынст вакска ютазэ, сразу максыть апелляцият обкомов, крайкомов ды ВЛКСМ-нь ЦК-в.

б) Политической мотивтнень, союзной ды производственной дисциплинань калавтомань, бытовой проступкатнень ды лиятнень коряс комсомолсто каязтнень апелляцият ванномавтень комиссиятнень ендо вейкедть подход. Комиссиятне кевкстнить эрва кодат справкат апелляциятнень коряс, конатнень а эрви до-полнительной расследования, теньсэ теить тевтнень покш пурнавома, апелляциятнень коряс жо, конатнень эрви детальной расследования, сехте пек коват политической характерань, те проверканть седейсэ а тейнить.

в) ВЛКСМ-нь горкомтнэс ды райкомтнэс кирдтнень эсист решениятнень ды материалтнень кучнемасть, конатнень коряс кемекставть проступкатне, конатнень теизэ комсомолетнэс областной, краевой ды республиканской комиссиятнень.

г) Комиссиятнень роботас а таргсви активесэ башка апелляциятнень ванноманть туртов, но кода правила, апелляциятнень ванноманть коряс весе роботас максозь лия роботасто саезь эли атак сае комиссиянь вейке-кавто члентнень.

Нетъ причинатнень коряс примамонь ды каямонь коряс комиссиятнэс тейневкшныть волокита ды бюрократизма, комсомолсто каязтнень сермаст лангс отвачакшныть аволь регулярна.

Комсомолсто каямонть ды примамонть коряс комиссиятнень роботасо истямо положенияс теевсь возможнойкс секс, што обкомтнэнь, крайкомтнэнь ды комсомолонь нацреспубликань ЦК-тнень секретартне а лият эрвиакс мель сынст роботавтень, воспитательной роботань важнейшей те участканть лангс весе руководстванть ветить ансяк бюросо ды эсист комитеттнэнь секретариатнэс комиссиянь протоколтнэнь кемекстамосонть.

Тень эйстэ лисезь, ВЛКСМ-нь ЦК-сь аравты ВЛКСМ-сто каямо до тевтнень ванномань эли союзной взысканиянь макснемань истямо порядка:

1. Комсомолсто каямо до союзной взысканиянь макснемато простотэ должны ванномс ВЛКСМ-нь комитетэс ды первичной организациянь комсомолонь вейсэнь промксоь обязательна комсомолетнэнь пингстэ, конань поступказо ваннови.

Комсомолсто каямо эли союзной взысканиянь максмато первичной организациянь эрва решениясь обязательна кемекстави ВЛКСМ-нь райкомонь бюросо союзной ответственностэ таргавонть пингстэ, ды ансяк теде мейле решениясь сови вийсэ.

2. Каямо эли взысканиянь максмато райкомонь (горрайкомонь) решениясь может улемс обжалован обкомс, крайкомс ды комсомолонь нацреспубликань ЦК-с. Бути обкомонь, крайкомонь ды комсомолонь нацреспубликань ЦК-нть решениясь а витьсэ медеть, сонэзэ можна обжаловамс ВЛКСМ-нь ЦК-с.

3. Первичной организациятнень решениядот мейле комсомолонь райкомтнэс, горкомтнэс комсомолсто каямо эли союзной взысканиянь максмато тевтнень ванномань шканть аравтомс—1 ков, обкомтнэс, крайкомтнэс ды комсомолонь нацреспубликань ЦК-тнэс жо ВЛКСМ-стэ каямонь ды примамонь коряс комиссиятнэс—2 ково аволь седе ламо заявлениянь само шкasto, конань эйсэ обжалуется ВЛКСМ-нь райкомонь эли горкомонь решениясь.

4. ВЛКСМ-нь ЦК-со комсомолсто каямонь ды примамонь коряс комиссиясь должен ванномс комсомолетнэнь апелляцият ансяк обкомонь, крайкомонь ды комсомолонь нацреспубликань ЦК-нть решениядонть мейле.

Апелляциянь ванномань шканть аравтомс 2 ковт.

Комиссиясь может ванномс апелляциятнэ заочна ансяк се случаетнэнь, бути ули апеллирующеень пельде согласия сонэзэ апелляциятнэ заочной ванноманть лангс.

5. Комсомолсто каямонь ды примамонь коряс ВЛКСМ-нь ЦК-со комиссиясонть теомс следователень институт, конась персональна кемекстави ВЛКСМ-нь ЦК-со.

Комсомолонь областной, краевой эли республиканской эрва организациятнень должны улемс кемекстазэ следователть.

Следователень задачас должен совамс эрва апелляциятнэ пек парсте расследованиясь сонэзэ (апелляциятнэ) комиссиянь заседаниясо ванномато икеле.

Следователень группатнэнь кемекстави комиссиянь член, ковань отвечи нетъ организациятнэс тевтнень ванноманть кис.

6. Политической мотивтнень коряс комсомолсто каямо эли союзной взысканиянь максмато весе тевтнень ванноманть аравтомс персональна комсомолсто каямонь ды примамонь коряс комиссиянь председателть лангс кода обкомтнэс, крайкомтнэс ды комсомолонь нацреспубликань ЦК-тнэс, истя жо каямонь ды примамонь коряс ВЛКСМ-нь ЦК-нть комиссиясонтькак.


7. Аравтомс примамонь ды каямонь коряс комиссиятнень роботасост руководстванть обкомонь, крайкомонь ды комсомолонь нацреспубликань ЦК-нть омбоце секретартнэнь лангс.

ПИСАТЕЛЬТНЕНЬ МЕЖДУНАРОДНОЙ II КОНГРЕСС

Валенсиясо июлень 4 це чистэ панжовсь культурань ванстоманть коряс писательтнень международной II конгресс. Конгрессэнь панжизе испанской правительствань прывтось Негрин. Сон евтась при-ветственной вал.

Конгрессэнтень састь француз-

ской, немецкой, скандинавской, южно-американской писательтне ды ламо лия мастортнэнь пельде представительт. Советской литератортнэнь пельде с'ездэв састь Толстой, Эренбург, Ставский, Вишневский, Фадеев, Микитенко, Барто, Финк, Михаил Кольцов.



РККА-нь частьтнэс боевой тонавтнемась
СНИМКАСОНТЬ: танкось изни препятствиянь.
Фотось П. Бернштейнэнь (Союзфото).

Красвоармеецэнь-пограничникэнь И. Т. Труновонь каземадо

СССР-нь Центральной Исполнительной Комитетэнь путовксозо

СССР-нь Центральной Исполнительной Комитетэсь пути:

Геройстванть ды доблестенть кис, кона невгезь СССР-нь государственной границатнень ванстомсто, каземс красноармеецэнь Трунов Иван Тихонович ялганть Якстере Знамянь ордена.

СССР-нь Центральной Исполнительной Комитетэнь
Председателесь М. КАЛИНИН.

СССР-нь Центральной Исполнительной Комитетэнь
Секретаренть кис СССР-нь ЦИК-ень Президиумонь членэсь
Н. ФИЛАТОВ.

Москов, Кремля. 1937-це иень июлень 5-це чи

Красноармеецэсь - погранич-
никэсь Трунов ялгась невтсь исклю-
чительной мужества ды долгонь
покш сознания. Стешенко ды
Джуканов пограничник ялгатнень
марто вейсэ сон ютыль эсь участ-
канзо, кона ашти СССР-нь сред-
неазиатской границанть лангс.
Апак учо, боецтнэнь лангс кар-
масть леднеме. Нарушителень бан-
дась ютызе государственной грани-
цанть ды кармасть леднеме.
Ушодовозь леднемасонть, Сте-
шенко ялгась ульнесэ чавозь, Джу-
канов—ранязь пильгс. Трунов
Джукановонь кучизе застава лез-
дамонь кис, сонсь жо кадовсь бан-

дань цела отрядонть каршо ська-
монзо. Се лангс апак вант, што
Труновонь кружизь 15 врагт, кав-
то часонь ютамс эзизе кадо эсин-
зэ боевой постонзо, вантсь совет-
ской моданть ды пост лангс ча-
возь ялганть рунгонзо.

Апак лотксэ леднезь, врагонть
эйс меткойстэ понгозь, Трунов
чавсь кавксо бандитт ды кирдинзе
остаткатнень. Лездамонть самодо
мейле бандитэнь весе шайкась
ульнесэ маштозь.

Трунов ялгась—комсомолец. Кав-
то иень службань перть частень
командованиянь пельде получахш-
нось котоксть благодарность.

000

Андрей Коробицынэнь лемсэ вельсовет

Северной облизполкомось кучсь
ВЦИК-ень Президиумс энялдома,
конань эйсэ энялды максомс Се-
верной областень Сямженской
райононь Куракина велентень ды
велень советэнтень Коробицынэнь
лементь.

Сексень чопуда вестэ 1927 иестэ
Сестрорецкой погранотрядонь по-
граничникэсь Андрей Коробицын
аштесэ дозорсо. Сон неизе, што
4 ломанть ютызь границанть. Ко-
робицын эзь талакадо ды смел-
стэ кундась бороцямо нарушителъ-
тнень каршо. Вейке эйстэдест

ульнесэ маштозь, остаткатне по-
тасть. Лиссь лангс, што неть вра-
гтэ молильть салава Ленингра-
дов террористической цель мар-
то. Стакasto ранязь Коробицын
кулось. Минек родинань те вер-
ной цера. Сон максызе эсь эря-
монзо советской границатнень неп-
рикосновенностень кис туреман-
тень. ВЦИК-ень Президиумонть
решениянзо коряс ней Кураки-
нань вельсоветэнтень ды Кураки-
на велентень, косо шачсь Коро-
бицын ялгась, максозь Коробицы-
нэнь лем.

РККА-нь рядтнэс тердэз комсомолетнэнь ВЛКСМ-нь горкомтнэс ды райкомтнэс учетсо саемадост ВЛКСМ-нь ЦК-нть путовксозо

ВЛКСМ-нь ЦК-сь установил,
што комсомолонь ламо райкомт
ды горкомт невтит а нолдавикс
отношения запростнэнь, конат-
нень теить РККА-нь рядтнэс тер-
дэз комсомолетнэнь, учетсо са-
емадост ды личной карточкань
кучомадост.

Тень коряс ламо комсомолет
механически лисить ВЛКСМ-нь
рядтнэстэ. Комсомолонь обком-
тнэ, крайкомтнэ ды нацреспубли-
кань ЦК-тне а путыть мель нетъ
фактнэнь лангс, а бороцить сынст
каршо, лиясто сынсь жо истят
кевкстнематнень лангс а макст-
нить ответт.

ВЛКСМ-нь ЦК-сь мери комсо-

молонь райкомонь ды горкомонь
весе секретартнэнь кучомс ком-
сомольской организациятнень веше-
маст коряс РККА-нь рядс тердэз
комсомолетнэнь личной тевест
3 чиде аволь седе позда запро-
сонть получамо до мейле.

Кармавомс комсомолонь об-
комтнэнь, крайкомтнэнь ды нац-
республикань ЦК-тнэнь теомс
строжайшей контроль сень мель-
га, кода комсомолонь горкомтнэ
ды райкомнэ ютавтуть тевсь те
путовксонть.

РК-нь ды ГК-нь ревизионной ко-
миссиятнэнь эрви проверямс
те путовксонть топавтоманзо эсь
комитетэст коряс.

**Помнямс ды знярдоак а стувтнемс капиталистической
окружениядонть. СССР-нь оборонань кемекстамонь заемонть
лангс сермадстомасонть макстанок од средстват минек аизня-
виця родинанть виензамонтень**

КОЛХОЗНИКНЭ СЕРМАДСТЫТЬ ПОКШ МЕЛЬСЭ

Березники. Пермизь велень Калинин лемсэ колхозсо неть читне-стэ ульнесь колхозниктнэнь вейсэнь промкс, косо ульнесь вейке мельсэ шназь правительстванть путовксозо „СССР-нь оборонань кемекстамонь заемонть“ нолдамодо.

Колхозниктнэ пек покш кеняр-дома марто сермадсть од заемонть лангс. Колхозонь председателесь **Ильяев П. С.** ды бухгалтересь **Егоров** ялгатне сермадсть ковонь заработкаст лангс. Завхозсь **Мишкин**—30 целковой лангс.

Од заемонть лангс сермадстомась истя жо активнасто моли торфпредприятиясонтькак.

Ив. Ромашкин.

Чамзинка. Сырятина велень „Прогресс“ колхозонь колхозниктнэ, вельсоветнэнь келейгавтозь пленумсо, ве мельсэ шнызь минек правительстванть путовксонзо од заемонть нолдамодо.

Теке жо пленумсонть колхозниктнэ сермадсть „СССР-нь оборонань кемекстамонь заемонть“ лангс.

Весемезэ сермадсть 1480 целковой лагс.

Н.

Березники. Шугурова велесэнь колхозтнэва ютасть митингт, конатнесэ колхозниктнэ шнасть правительстванть путовксонзо од заемонть нолдамодо. Велесэнь малав весе колхозниктнэ митингтнэнь эйсэ сермадсть од заемонть лангс 10 целковойстэ 50 целковойс.

Овси аламо шкань ютамс **Блюхер** лемсэ колхозсонть 85 колхозниктнэ сермадсть 1485 целковоень питне, **Калинин** лемсэ колхозсо—115 колхозникт 2265 целковоень питне, **Каганович** лемсэ кол-

хозсо 76 колхозниктнэ 1880 целковоень питне. „Вейсэ“ поселкасонть—112 колхозниктнэ 650 целковоень питне.

Семенов П.

СЕРМАДСТЬ ВЕ МЕЛЬСЭ

Ромодановань райбольницань весе сотрудниктнэ ве мельсэ сермадсть „СССР-нь оборонань кемекстамонь заемонть“ лангс.

Сермадстомасонть сехте активной участия примась месткомонь членесь **В. А. Шнудина**. Сон

сонсь сермадсть 200 целковоень питне.

Санитаркатнень ютксо ялгань кортнемасонть, **Шнудина** ялгась евтнесэ Испаниясо войнадонть ды СССР-нть оборонад.

Вл. Ананьин.

Эйкакштнэ пулькить рудаз потсо

Чамзинка велень вейке порядкаудало ули ведень аштема тарка, лиякс меремс болота. Секс, што те „эрькесь“ покш ды эйкакштнэ седе паро эрькть эзть некшне—сынсь сонзэ лемдизь „Байкалокс“.

Тосо ведесь пек рудазов, эйсэнь мускенинь весе аватне эрва кодат вулат. Тесэ эрить велень весе эйкакштнэяк. Сынсь атак вант весе рудазонть ды нулгодькстнэнь лангс—экшелить тосо, пулькить, пиксить чоподасто-чоподаст.

Велень перька, коть аламодо васолояк, улить аволь берянь лейть, козонь можналь теемс экшелямонь паро тарка, козонь можналь эйкакштнэнь усксемс автомашинасо.

Чамзинкасо, кода районной весе велетнень эйсэяк, улить эрва кодат райорганизацият. Тосо истя жо ули комсомолонь райкомгак, конань секретарекс роботы **Дрыгин** ялгась. Но весе неть райорганизациятне ды **Дрыгингак** а нейсызь те „мелоченть“.

Н. Симдянов.

Сезевсть од ломантнень эйстэ

Б. Игнатово. Пикшня велесэ комсомольской организациясь покш. Тосо комсомолонь комитет. Но комсомолецтнэнь ды аволь союзной од ломантнень ютксо работа кодамоаяк а ветяви. Велесэнь улить ламо тейтерть, конатне озныть, якить церковав. Те ансяк секс, што тосо кияк а вети антирелигиозной работа.

Комсомолонь комитетнэнь секретаресь **Соболькин** ды избачось **Барышников** весе эсист роботаст стувтызь, сынсь сезевсть од ломантнень ды комсомолецтнэнь эйстэ. Пикшняв овси чуросто яксить комсомолонь райкомонь представительнеяк.

Л.

Фил. Гурьянов.

С. УРАНОВ.

Омбо масторонь разведкатнень вербовочной роботань коварной кой-кона приемтнэде *)

Сон макссь подписка, што согласи максомо вешевикс сведениятнень, тень таркас сон получаць эсь содавиксэнь пельде мездеяк а кортыця расписка сень кувалт, што тона максы обязательства а вешемс „Т“-нь пельде кодаткак ярмакт ды а шантажировамс сонзэ. Прядызе жо „Т“ сеньсэ, што снартнесэ эсь од азортнэнь вешемаст коряс саламс секретной документ ды те снартомасонть ульнесь кундазь.

Содатано случай, зярдо немецкой разведкась снартнесэ тееме границань томбалев кучозь советской гражданинэнь каршо вербовкань неуклюжей истямо прием. Сазь ломанесь вешнесэ эстензэ квартира. Сон ванносэ зярдыя помещений ды меельсэ пелев решась лоткамо ве комнатас, конань питнеде макстнэзе аволь од ава. Квартирань азор-аванть марто сонзэ кортнеманзо пингстэ ульнесь од тейтерь, кона мерсь, што сон азор-аванть содавиксэзэ. Кварти-*) Пезэ. Ушодксозо 72, 73, 74 ды 75 №-сэ.

рань азор-аванть марто комнатанть сиведемань условиятнеде кортамо-до мейле, ялгась мерсь, што сови кавто чиде мейле ды сестэ кортыть окончательно; ды вана евтэзэ чистэнь сон сазь кочказь квартиранть эйс, тесэ сон таго вастызе секе жо азор-аванть, кона мерсь, што должен энялдомс тензэ аламос учомс, секс што комнатанть максомодо сонензэ эрви кортнемс эсь роднянзо марто, конат эрить вакссонзо кудосонть. Квартирань сивидиясь кармась, таргазь, учомо гостиннойсэнь. Зярдо бути минутань ютазь сазь снартнесэ азор-аванть вейсэ полицейской инспектор ды полицейской вахмистер марто. Инспекторсь мерсь, што сонензэ те гражданакась макссь яволявкс, што будто васень самонть эйстэ ды квартиранть ванномсто саласть азор-аванть сырнен кавто суркст. Сень кувалт, што те ялганть квартиранть самодо икеле ды мейлеяк азор-аванть кияк эзь сакшно, то подозрениясь пры советской гражд-

данинэнь лангс. Инспекторсь тердизе сонзэ комиссариатс протоколонь сермадомань кис. Ялганть кеме протестэнзэ лангс атаквано, сонензэ яла теке савсь модемс полицияв, косо сонензэ тейсть унизытельной допрос ды натой снартнесэ тееме обыск. Зярдо инспекторсь неизе, што чумондовиясь кеместэ арси молеме обыскенть каршо, сон атак учо кармась кортамо паро валсо ды мерсь: „Возможна, што гражданинэсь аволь чумояк те тевсэнь, но уликатне улить, ды сон обязанной тееме гражданинэнтень обыск эли сермадомо протокол ды максомс те-весь прокуроронтень, тевенть ванномазонзо жо кирдемс сонзэ. Но сень кувалт, што сон, инспекторсь, чаркоди, кодамо те скандальной тев вечкевикс гражданинэнь туртов, сон анок „неприятностьтнень вельтнэнь кис“ аволь ламо ярмакто лепштыамс весе тевенть ды нолдамс „салыцянть“ коть ков“. Несчастиязонзо, ялгась капнась курокке лисеме аволь пароположениясонть, конань эйс сон понгсь ды, последствиятнеде атак арсе, таргизе бумажникинзэ ды путсь столенть лангс 20 маркат. Те шкастонть кенкшесь панжовсь ды совась парсте, но скромнойстэ оршазь од ломань, лангс ванозь офицер, но штатской одижасо. Совицясь мерсь, што, рядс комнатасонть аштезь,

Улемс анок эрва шкасто

Июнень 18 це чистэ июлень 1-це чис пединститутонь 2-це курсонь весе студентнэ ульнесь лагерьсэ. Секе чистэнь, кода мольсть лагерев, весе студентнэ активнасто кундасть занятиятнень. Парсте тонавтнесэ стрелковой подготовканть, строевой подготовканть ды лия занятиятнень кувалт.

Июлень 1-це чистэ прядовсть занятиятне. Сась лия смена. Теке жо чистэнь ульнесь итоговой конференция, косо лагерной сборонь командованиясь евтнинзэ тонавтнемань весе итогтнэнь. Лагерьсэнь максызь „ВС“ значоконт лангс норматнень 25 ломанть, II-це ступенень „ВС“ значоконт лангс максызь норматнень 12 ломанть, конатне ютксо улить кавто тейтерь-ават—**Суровцева** ды **Пискунова**. Неть кавто тейтерь-аватне **Мордовиянть** келес васенцет. Лагерной сборонь командованиясь евтась тенст благодарность ды начальникесь эсь валсонзо мерсь: „**Суровцева** ды **Пискунова** серьезной ледницят. Сынсь улить пек опасной войнань кирвастицятнень. Эрви меремс, што 30 секунд вете пулясо понгомс атак манявт ды чавомс 50 возможной очкасто 40 очкат те пек стака тевесь. Тень ялгатне добувизь“.

Лагерной сборонь командованиясь истя жо евтась благодарность весе лагерной сборонтень сень кис, што сынсь тонавтнесэ парсте, добросовестнасто ды ютызь весе программанть.

Сех вадра ударниктнэ лагерьсэнь ульнесь **Никонов**, **Горбатов**, **Суровцева**, **Киселев** ды лият, конатненень пединститутонь дирекциясь макссь премия. Лагерьсэ ванькстэ палаткань кирдемань кис, **Кочотова** студентканть палатказо получаць дирекциянт пельде премия 100 целковойть.

Фил. Гурьянов.

сон маризе, кода чумондовиясь макстнесэ полицейской инспекторонтень взятка. Прок старшей, сон должен тень эйстэ сермадомс протокол. Офипересь кевкснэзе инспекторонт мезень кис кирдизь советской гражданинэнь ды мерсь, што взяткань максомась ашти кирдезенть чумонзо виде кемекстамокс, ды вешсь сеск сермадомс протокол, конань эйсэ невтемс, што кирдезь ломанесь снартнесэ взяткань максозь менстымо прязо оляс. Кирдезенть жо офицерсь мерсь сеск саемс тюрьмас. Седе мейле, кода протоколось ульнесь сермадозь, кирдесэсь жо отказась подписать сонзэ, офицерсь кучезе инспекторонт ды кирдезенть марто ськамонзо кадовозь мерсь, што сон контрразведкань офицер, кона ваны полициянт роботанзо мельга. Сон парсте чаркодсь лисезь тевенть весе скандальной-чинзэ ды анок лездемо бедас понгозь советской гражданинэнтень. Но сонензэ а кода тень теемс, сонзэ пельде кодамоаяк услугань атак получа. Те случайстэнь сонзэ предложениязо ульнесь сеньсэ, штобу советской гражданинэсь тевель сонзэ услуганть кис услуга, кона ашти сень эйсэ: максоволь справка вейке ломанень коряс советской лия гражданинэ, кона эри эсь родинасонзо. Минек простачо- (Пезэ 4 це страницасо).

Отличниктнэнь-пионертнэнь—лагерев

Покш Березникень районь Пермизь велень пионертнэ ды школьниктнэ, конат парсте прыдызь тонавтнема иенть, молиять районной ды республиканской лагерев. Районной лагерев молиять 7-це классо тонавтниция пионертнэ Мишин, Минякин ды лият.

6-це ды 5-це класснэстэ—Пузина Надя, Симонова Маруся, Меньякин С., Илькаев ды Юртайкин. Сынст ютксто молиять кавто пионерт республиканской пионерской лагерев.

Ваня Мокшалева.

Отличниктнэнь—шнамонь грамотат

Кабай велень полной средней школань ламо тонавтницият максызь дисциплинатнэнь отличнасто. Неть отличниктнэ вана кить 7-це классо—Агеев; 8-це классо—Зорькина, Денисова С., Денисова М.; 9-це классо—Зорькин Я.

Зорькин М. ды Денисов А. Тонавтнема иенть прыдомадо мейлесьнэ получасть шнамонь грамотат.

И. А. Ярославкин.

Дубенкань район.

Арась дисциплина

Кочкурова. Июень 25-це чистэ Кочкуровань районс Морд Давыдова велес панжовсь пионернэ лагерь, козонь мольсть велетнэстэ пионерт. Лагерсэнтэ пек лавшо дисциплинась. Мертвой чассто пионертнэ Ядырышников ды Каргия

якить пионертнэ юткова, а кадыть оймсеме. Пионервожатойтнэек ваныть тень лангс суронь пачк.

„Повин“.

Тонавтнициятнэнь стувтызь

Ютась тонавтнема иесь. Весе тонавтнициятнэ тусть каникулав. Но кода жо ютавтнэ тонавтнициятнэ ютко шкаст каникуласо минек Сайгуши велесэ? Можна евамс валсо—беряньстэ.

Пионертнэ кадовсть вожатойтнэме, школав а якить, робота юткост кодамояк а неят. Сеедьстэ налксит картасо ды ярмаксо. Школасонть ули библиотека, но сонзэ зярдояк а панжтнесызь. Ули истя жо велесэнтэ клуб, но панжозь эрси ансяк чокшне ланга.

Школань дирекциясь нолдынзе тонавтнициятнэнь ды весе теветнэ ертызе лавтовстонзо. А кинонь коллективной ванномат, а тонавтнемань интересной чокшнеть, а экскурсият ды культурной лия развлеченият арасельть ды нать а арсикак тейнемс. Мезеяк а теи тень кувалт Сайгуши велень комсомолонь организацияськак.

И. Суслин.

Чамзинкань район.

РОМОДАНОВЕЦТНЭНЬ ИЗНЯВКСОСТ

Июлень 4-це чистэ Ромодановань стадионсо вастсть Саранскоень Военвед ды Ромодановань СФК футбольной командатнэ. Васень таймась прыдовсь 2:0 Ромодановань пользас. Омбоце таймась

—2:1 Военведэнь пользас. Налксемась прыдовсь 3:2 Ромодановань пользас. Ромодановань вадра налксиятнэ ульнэсть П. Уханов, Б. Маркин ды В. Карасев.

Вл. Ананьин.

Ромоданова веле.

ОМБО МАСТОРОНЬ РАЗВЕДКАТНЭНЬ ВЕРБОВОЧНОЙ РОБОТАНЬ КОВАРНОЙ КОЙ-КОНА ПРИЕМТНЭДЕ (ПЕЗЭ)

кось, мезеяк алак арсе, сермадызе эсь книжказонзо евтась фамилиянтэ ды адресэнтэ, мейле офицерэнтэ энладоманзо коряс сермадызе эсь кедьсэнзэ сонзэ жо записной книжкантэ теке жо фамилиянтэ рузонь кельсэ. Мейле арсезь, што контрразведкань офицерэнтэ протекциянзо коряс аволь питнейстэ менс, сон кадызе полициянтэ ды тусь эстензэ.

Кияванть минек содавиксэсь ламо арсезь теевезенть кувалт, эрви ли теде евамсэсь ялгатненень, но лангсонзо пеедемадо пелезь, сон неть теветнеде кинезькак эзь ефта ды стараясь стувтомо сынст. Но 15 чинь ютазь сонэнзэ квартирас звонясть телефонсо ды мерсть, што сонзэ бажи неемс контрразведкань офицерэсь сонэнзэ содавикс теветнэнь кортнемань кис. Ансяк телефонсо неть звонямотнеде мейле автезь кургось чаркодизе мейсэ качады теветсэ. Сон сеск евтась весе неть теветнеде эсь начальниктнэнь ды теньсэ идизе прынзо емамонть эйстэ, кона учось эйсэнзэ бути те нулгодькс комедиясь, конань сыргавтызе контрразведкась, таргаволь седе тов. Зярдэ разведкань агентэсь кармасть лепштамо лангзонзо ды тандав-

неме лангс сонзэ ливтемасонть, минек ялгась сонзэ куроксто явизе эсь эйстэнзэ. Сон мерсь, што сонсь уш евтась весементь коряс эсь начальниктнэнь ды контрразведкантэнь эрви кирдемс мельсэ протестэнтэ шпионажонь сеть подлой приемтнэнь каршо, конатнэнь сонтейни советской честной граждантиянь коряс. Контрразведкась куватьсэ эсь оймаво, эсь арсеменьстамо кедьстэнзэ тешкстазь жертванть, снаргнесь водаммо теветандавтемасонть од методт. Но теньсэ мезеяк эзь лисе, секс што советской гражданинэсь аштэсь виде ды честной позициясонть.

Евтась примертнэ ансяк аламо невтити сеть рудазов ды нулгодькс приемтнэнь, конатнэнь лия масторонь, сех пек фашистской, разведкатнэ нолдыть теветсэ эсь шпионской сетезэст мейсэяк а чумо ломантнэнь таргамонть кис. Советской государстванть икеле правдивостесь, честностесь, эсь родинанть икеле долгонть чаркодемасо, бдительностесь, максозь теветнэ добросовестностэ топавтомазо, эсь прынтэ контролировамось вансастызь советской эрва гражданинэнь врагтнэнь ендэ неть нулгодьксэнь снартнематнэстэ.

Шпионской эсь роботасост сех рудазов методтнэнь теветсэ нолдазь, фашистской разведкатнэ чаркодизь, што сеть методтнэнь, конатнэсэ роботыть сын, могут нолда-

мо теветс буржуазной лият разведкатнэяк ды истяня жо могут улеменолдазь сынст каршо. Штобу тонавтомс эсь подданост содавиксстэ каршо модемас, фашистнэ вейке омбоце мельга нолдыть кинофильмат, конатнэнь целекс аштисе, штобу невтемс лия мастортнэнь разведкатнэнь методост ды приемост. Келейстэ рекламировить истят картинатнэнь, кода „Мата Хари“ (Парижсэ германской содавикс шпионка), „Порт Артур“, „Наташа“, „Предатель“. Меельс картинасонть невтезь лия государстванть шпионтнэнь Германиянтэ территориясо роботаст. Те картинасонть сех пек тешкстазь, кода германской летчиксэ, кона тапарязель шпионской сетсэ сонзэ лангс ливтемасонть кис теэзь документтнэде алак тандадо, мусь эсь эйстэнзэ вийть, весе евтнемс эсь начальниктнэнь, мезенть кис мейле казезь строенть икеле благодарностсэ. Омбоце ендэ, фашистнэ эрва кода шныть эсь шпионост. Сынст подвигест кувалт сермадозь пачкманьшма литературань цела серия.

Весе тень теить сень кис, штобу таргамс од ломантнэнь шпионской „романтиканть“ эйс. Фашистской „романтиктнэнь“ неть основной кадратнэнь анокстыть лия государстванть каршо роботамонь кис. Сынст расчотост—эцемс расхлябанностень, беспечностень ды бдительностень ношккагадомань

лазктнэва сень кис, штобу ветямс маштнемань, диверсиянть ды шпионажонь нулгодькс эсь теветс.

Эсь функцияст теветс ютавтоманть кис шпионажонть ули виев аппарато, кона нолды эсь лезэс ваксост государстванть организмазост эцемань легальной ды аволь легальной весе возможностьтнэнь. Мировой войнантэ опытэсь, войнадо мейлень ды неень войнадо икелень шкасэ, салавань вельтявксонть лангс алак вано, конасонть свал кекшеви шпионской роботасэ, максы шпионской роботанть келейстэ ветямонь ламо фактт. Шпионажось венсти эсь суронзо государстванть учреждениятнэс, оборонной значениянть покш предприятиятнэс, транспортонть эйс. Сон бажи эцемс государственной тайнантэнь, содамс оборонной секреттнэнь, чаркодемс технической усовершенствованиянтнэнь аравтнемс сех важной таркатнэс эсь ломанть ды организовамс вредительства, диверсия ды предательства. Шпионажось—те свал молия салавань война, конанть вети шпионтнэнь армиясь ды кона а лоткси ве минутскак. Тень эйстэ кортыть пекстазь кенкш эксэсудебной ламо процесстнэ, конатне меельсэ шкастонть ульнэсть Америкасо, Англиясо, Франциясо, Чехословакиясо, Румыниясо, Испаниясо.

Шкань ответ. редакторос А. БРЫЖИНСКИЙ.

Якстереармеецнэнь серма

Монь кастымим Якстере Армиясь

Эщо мик сестэ, зярдэ улыннэ вишкине, мон пек бажинь понгомс Якстере Армиясь. 1933 иестэ бажамом ютавтозь теветс. Монь, Дубенкань районь, Кабай велень, сермас лавшосто содыця од ломаненть, саймизь эсинек родной, Якстере Армиясь, макссть тень сехте ответственной ды почетной теветс, эсинек родинань ванстамонть.

Ней вана уш зярыя ие мон кандан минек масторонь граждантиянь почетной те теветнэ. Эрви меремс, што те шкас Якстере Армиясь монь тонавтымим пек ламос: икелевгак овси маштыть сермас лавшосто содамонть, пек касынь политикас со-

дамонть коряс. 3 ковт тонавтиннэ полковой школасо, конань прыдомадо мейле получишь военной звания. Ней уш курок улить кавто иеть, кода мон командиран. Теде башка роботан эсь лангсон, тонавтиян, арсян улемс средней командирэкс. Ды те бажамом карма улеме ютавтозь теветс. Те секс, што минек вети Ленинэнь—Сталинэнь партиясь, сонсь минек ине вождэсь, Сталин ялгась. Якстереармейской пси поздорвт „Ленинэнь киява“ газетань весе ловныцятненень, нефта ошсто, Бакусто.

Ив. Ив. Агеев.

Зярдэ прыдови ремонтось?

Апрель ковсто Ромодановань РОНО-нь заведующеентэ Маноловонь мереманзо коряс ульнэсь максозь Ромодановань сокультурань кудось ремонтс. Ютась ламо шка, но ремонтось а ютавтови.

Ромодановань од ломантнэ содыть ансяк вейке культурной уголен—те культурань ды оймсемань паркось, косо эрва чокшне якить эземтнэнь ды марсевичь иредьстэнь вайгельть. Од ломантнэ а нехшнеть кинот, постановкат. Ков

модемс? Кинь кедьстэ мезе кевкстемс? Комсомолонь райкомось наверна тенсэ не интересуется. Райкомось весе нейсынзе, но мезькак а корты, мезеяк а теи.

Зярдэ жо, остаткань пелев, Ромодановань райисполкомось алкуксто кунды сокультурань кудонь ремонтонтнэнь, зярдэ жо од ломантнэ неить кино ды кармить кунсолосо лекцият?

Вл.

Вишкине физкультурниктнэнь спартакиада

Июень 27-це чистэ райцентрасо ульнэсь пионертнэнь ды тонавтнициятнэнь спартакиада, конаньсэ примастэ участия 20 вишкине физкультурникт.

60 метрас чиёмасонть васень тарканть саизе пионерэсь Безруков Коля. Сонзэ шказо 10 секунд. Тейтерькатнэнь эйстэ 60 метрас чиёмстэ Саклетина Верань

шказо 10,6 секунд. Сон лиссь изнициякс.

Верева кирнявтнемасонть сехте паро результат невтезь Баринов Коля, сон кирнявтсь 1 метрас 23 сантиметрас.

Спартакиадасонть примастэ участия райононть сех паро физкультурниктнэ Есин ды Понякин.

Н. Симдянов.

Чамзинка.

2:0 ЧАМЗИНКАНЬ ПОЛЬЗАС

Аволь умок ульнэсь республикасо васень таркас лисеманть кувалт волейболсо налксема. Налксестэ Чамзинкань ды Дубенкань командатнэ.

Налксемась прыдовсь 2:0 Чамзинкань пользас. Курок неть командатнэ туйть налксеме районга.

Чамзинкань р-н.